

## G E N E S I S .

duine; agus shuidhich e 'san taobh an ear do ghàradh Edein Cherub<sup>a</sup>, agus clòidheamh lafrach<sup>b</sup>, a bha tionndadh air gach làimh, a ghleidheadh <sup>c</sup> flighe craoibh na beatha.

### C A I B. IV.

**A** GUS dh'aithnich Adhamh a bhean Eubha, agus dh'fhàs i torrach<sup>d</sup>, agus rug i Cain, agus thubhairt i, Fhuair mi duine o'n Tighearna.

2 Agus a ris rug i a bhràthair Abel: agus bha Abel 'na bhua-chaille chaorach, ach bha Cain 'na threabhaiche fearainn<sup>e</sup>.

3 Agus tharladh <sup>f</sup> 'an ceann lài *àraidh*<sup>g</sup>, gu'n d'thug Cain do thoradh an fhearainn tabhartas<sup>h</sup> do'n Tighearna.

4 Agus thug Abel mar an ceudna do cheud-ghinibh a thréid, agus d'an faill: agus bha meas aig an Tighearna air Abel agus air a thabhartas:

5 Ach air Cain, agus air a thabhartas, cha robh meas aige. Agus bha Cain fuidh throm fheirg<sup>i</sup>, agus thuit a ghnùis<sup>j</sup>.

6 Agus thubhairt an Tighearna re Cain, C'ar son a tha fearg ort? agus c'ar son a thuit do ghnùis?

7 Ma ni thu gu math, nach gabhar riut? agus mur dean thu gu math, aig an dorus *tha* peacadh 'na luidhe. Agus riutfa *bithidh* a thogradh, agus bithidh uachdranachd agad air.

8 Agus labhair Cain re h-Abel<sup>k</sup> a bhràthair: agus 'nuair a bha iad 'fa' mhachair<sup>l</sup>, dh'éirich Cain

suas 'an aghaidh Abeil a bhràthar, agus mharbh fe e.

9 Agus thubhairt an Tighearna re Cain, C'ait' *am bheil* Abel do bhràthair? agus thubhairt efan, Cha'n 'eil fhios agam<sup>m</sup>. Am mise fear-gleidhidh mo bhràthar?

10 Agus thubhairt efan, Ciod a rinn thu? *Tha* guth fola do bhràthar ag éigheach riumsa o'n talamh.

11 Agus a nis *tha* thu mal-laichte o'n talamh, a dh'fhosgail a bheul a ghabhail fola do bhràthar o'd làimh.

12 'Nuair a shaoithricheas tu 'n talamh, cha toir<sup>n</sup> e dhuit a so suas a neart. A't'fhògarach agus a' t'fhear-fuadain bithidh<sup>o</sup> tu air an talamh.

13 Agus thubhairt Cain ris an Tighearna, Is mò mo pheanas na gur urrainn mi ghiùlan<sup>p</sup>.

14 Feuch, dh'fhògair thu mi mach an diugh bhàrr aghaidh na talmhainn: agus o'd ghnùis-fa folaichear mi, agus bithidh mi m'fhògarach agus a'm'fhear-fuadain air an talamh; agus tar-laidh gach neach a gheibh mi<sup>q</sup> gu marbh e mi.

15 Agus thubhairt an Tighearna ris, Uime sin ge b'e air bith a mharbhas Cain, nithear a sheachd uiread do dhioghaltas air<sup>r</sup>. Agus chuir an Tighearna comhar' air Cain, a chum ge b'e neach a gheibheadh e nach marbhadh fe e.

16 Agus chaidh Cain a mach a làthair an Tighearna, agus ghabh e còmhnuidh ann an tìr Nod an taobh an ear do Eden<sup>s</sup>.

17

<sup>a</sup> Cherubim. *Eabb.* <sup>b</sup> lafartha. <sup>c</sup> choimhead. <sup>d</sup> thòrraicheadh i, dh'fhàs i leatromach. <sup>e</sup> talmhainn. <sup>f</sup> thachair; bha e. *Eabb.* <sup>g</sup> *àraidh.* <sup>h</sup> tiodhlac, ofrail. <sup>i</sup> làn feirge. <sup>j</sup> luidh gràim air. <sup>k</sup> bha focail eadar Cain agus Abel. <sup>l</sup> 'san fhaiche, 'fa' mhaigh. <sup>m</sup> Cha'n aithne dhamh, cha'n fhiosrach mi. <sup>n</sup> cha doir, cho tabhair. <sup>o</sup> bithidh. *Eir.* <sup>p</sup> Smò mo choire na gu'm feudar a laghadh dhamh.